

The Electronic *Manipulus florum*
www.manipulusflorum.com

Gula ab
cum fontibus primis

Quidam supersticiosum nimis in preparandis cibis studium adhibent, infinita decoctionum, frixurarum et condimentorum genera excogitantes, modo mollia, modo dura, modo frigida, modo calida, modo cocta, modo assa, modo pipere, modo alleo, modo cymino, modo sale condita, secundum consuetudinem pregnantium mulierum desiderantes.

Ita quod ibi desudant coquorum artes et fiunt uarie questiones: utrum fieri debeant assata uel frixa uel elixa et tanta sollicitudine preparantur, ut deuoratis quatuor uel quinque ferculis, prima non impediunt nouissima,

et cum iam stomachus crebris ructibus repletum se indicat, nondum tamen curiositas saciatur.

Isti uidentur colere uentrem tanquam Deum.

Hugo ibidem (in suo claustrali).

Alii supersticiosum nimis in praeparandis cibis studium adhibent, infinita decoctionum et frixurarum et condimentorum genera excogitantes, modo mollia, modo dura, modo frigida, modo calida, modo elixa, modo assa, modo pipere, modo alleo, modo cymino, modo sale condita, secundum consuetudinem praegnantium mulierum desiderantes.

Hugo de sancto Victore, *De institutione nouitiorum*, 19 (PL 176, col.950C).

Tanta quippe accuratione et arte coquorum cuncta apparantur, quatenus, quatuor aut quinque ferculis deuoratis, prima non impediunt nouissima, nec satietas minuat appetitum.

Bernardus Claraevallensis, *Apologia ad Guillelmum abbatem*, 20 (SBO 3, J. Leclercq, C.H. Talbot, H.M. Rochais eds., p.97, ll.17-19).

Ipsa deinde qualitas rerum talis deforis apparere curatur, ut non minus aspectus quam gustus delectetur, et cum iam stomachus crebris ructibus repletum se indicet, necdum tamen curiositas saciatur.

Bernardus Claraevallensis, *Apologia ad Guillelmum abbatem*, 20 (SBO 3, J. Leclercq, C.H. Talbot, H.M. Rochais eds., p.98, ll.5-7).

[fons nondum repertus]